

आकाशवाणी

- रूस दे राष्ट्रपति ब्लादिमीर पुतिन होर दिसंबर च इक्क सालाना शिखर सम्मेलन लेई भारत दा दौरा करडन, उनें प्रधानमंत्री मोदी होरें' गी इक्क भरोसेमंद भ्याल दस्सेआ।
- भारत ते चीन इस अक्टूबर थमां दौनें मुख्ये बशकार सिद्दे ब्हाई संपर्क गी परतिये बहाल करने गिते सहमति होई गए न।
- छत्तीसगढ़ दे बीजापुर च 103 माओवादिएं सुरक्षाबलें अगगे आत्मसमर्पण करी दिता ऐ जेदे च 23 महिलां बी शामिल न।
- मौसम मैहकमे नै बिहार च बड़ी मती बरखा सरबंधी रेड अलर्ट आहली चेतावनी जारी कीती ऐ।
- नार्बे च खेड्डी जा'रदी भार तुलकने आहली विश्व प्रतियोगिता च मीराबाई चानू नै महिलाएं दे 48 किलो भार वर्ग च चांदी दा तगमा जितेआ ऐ।

<><><><><><>

Putin India

रूस के राष्ट्रपति व्लादिमीर पुतिन होरें आखेआ ऐ जे दिसम्बर महीने दी शुरुआत च भारत दी अपनी आगामी यात्रा गी लेइये बड़ी मती आशा ऐ। ओह अपने प्रिय मित्र ते रूस दे भरोसेमंद साझेदार प्रधानमंत्री नरेन्द्र मोदी हुंदे कन्नै बैठक करने दी प्रतीक्षा करा' रदे हे। सोची च 2025-वाल्डाई चर्चा क्लब च राष्ट्रपति पुतिन होरें भारत च रूस दे भरोसे दी तस्दीक कीती। उनें आखेआ जे प्रधानमंत्री मोदी होर विचारपूर्ण और बुद्धिमान नेता न। उनें आखेआ जे श्री मोदी अपने मुख्य दे हितें दे प्रति सकारात्मक विचार रखदे न।

क्रिमलिन दे प्रवक्ता दमित्री पेस्कोव होंरें तस्दीक कीती ऐ जे रूस दे राष्ट्रपति होर इस्सै बरे भारत दे दौरे पर जाडन जेदे लेई तैयारियां पूरे जोरें-शोरें कन्नै चला' रदियां न। 2022 च रूस ते यूक्रेन बश्कार युद्ध शुरू होने मगरा शा श्री पुतिन हुंदा भारत दा एह पैहला दौरा ऐ।

<><><><><><>

### India-China

भारत ते चीन इस अक्टूबर थमां दौनें मुख्खें दे कई शैहरें बश्कार सिद्दे ब्हाई संपर्क गी परतिये बहाल करने गितै सहमति होई गए न। इक बैनर च विदेश मंत्रालय नै आखेआ जे दौनें मुख्खें दी सिविल हवाबाजी प्रशासन सिद्दे ब्हाई संपर्क गी बहाल करने लेई इक समझौते गितै तकनीकी स्तर पर सलाह-मिश्वरा करा'रदा हा। भारत ते चीन बश्कार सरबंधें च सुधार होने मगरा इस बरे दी शुरूआत च गै एह सलाह-मिश्वरा दिता जा'रदा हा। सलाह मिश्वरे मगरा इस बरे सयाले आहली रूतै गी ध्यान च रखदे होई दौनें मुख्खें बश्कार सिद्दी ब्हाई सेवा शुरू करने सरबंधी फैसला लैता गोआ। विदेश मंत्रालय नै आखेआ जे सिविल हवाबाजी प्रशासन दे इस समझौते कन्नै भारत ते चीन दे लोके बश्कार संपर्क च बाद्दा होग जेदे कन्नै दपक्खी सरबंधें च होर सुधार आग।

<><><><><><>

### Jaishankar

विदेश मंत्री डॉ. एस जयशंकर ते नागरिक हवाबाजी मंत्री राम मोहन नायडू किंजारापु होंरें कल नमीं दिल्ली च एयरबस ते इंडिगो दे बड्डे अधिकारिएं कन्नै उच्चे दर्जे दी बैठक लग्गी। इस गल्लबात दा केंद्र भारत दे नागरिक हवाबाजी क्षेत्र गी होर तगड़ा करने पर हा। भारत दे आत्मनिर्भरता ते स्थाई विकास आस्तै रफ्तार देने दे मताबक इस चर्चा च तकनीक हस्तांतरण, निर्माण सांझेदारी ते ग्रीन एविएशन सैक्टर जनेह क्षेत्रें गी बी शामिल कीता गोआ।

डॉ. जयशंकर हों सोशल मीडिया पर इक पोस्ट च आखेआ जे उनेंगी अपने कैबिनेट दे सहयोगिं दे कन्नोकन्नी एयरबस ते इंडिगो दी अगुवाई करने आहलें कन्नै गल्लबात करने दी खुशी ऐ। उनें भारत-यूरोप दे बधदे रिश्ते पर लौस पाई ते भारत दे तेजी कन्नै बुनियादी ढांचे ते आर्थिक बदलाव थमां पैदा होने आहले रणनीतिक मौके पर जोर दिता।

<><><><><><>

### GST-Stationery Items

सरकारै पढ़ाई-लिखाई यानि स्टेशनरी समेयान पर जीएसटी कटौती कीती ऐ जेदे कन्नै विद्यार्थिं गी मती राहत मुहैया करोआई गई ऐ ते खुदरा विक्रेतां गी पेंसिल, कापिं, रबड़ ते शार्पनर पर जीएसटी घट्ट करियै इसी सिफर करी दिता ऐ जेड़ा पैहले थमां 5 थमां 12 फीसद दी दर थमां घट्ट ऐ। जमेटरी बॉक्स ते गणितीय सरबंधी उपकरणे दे सेटे गी हून सिर्फ 5 फीसद जीएसटी दी दर कन्नै आकर्षक बनाया गेआ ऐ। इस गेंस कन्नै जरूरी शैक्षणिक उपकरणे गी होर किफायती ते पुज्ज योग बनाने दी मेद ऐ। इक मुकामी दुकानदार नै आभार जतांदे होई आखेआ जे इस कटौती कन्नै बिक्री च इजाफा करियै बिचौलिये गी बी फायदा होग।

<><><><><><>

### ECI-Observers Meeting

मुख चुनांस आयुक्त ज्ञानेश कुमार अज्ज नमीं दिल्ली च बिहार विधानसभा चुनां ते देश दे होरनें हिस्सें च होआ'रदे उपचुनांस लेई नमें नियुक्त पर्यवेक्षके कन्नै इक बैठक करडन। एह बैठक नमीं दिल्ली दे IIDEM दूराका च होने आहली ऐ।

<><><><><><>

## Maoists Chhatisgarh

छत्तीसगढ़ च बीजापुर जिले च कल 23 महिलाएं सने 103 माओवादिं सुरक्षाबलें दे सामने आत्मसमर्पण करी दिता। इन्दे च 49 माओवादिं पर 1 करोड़ 6 लक्ख रपे थमां मते दा सांझे तौरा पर ईनाम हा। कई ब' रें थमां एह् बक्ख-बक्ख माओवादी संगठनें कन्ने जुड़े दे हे। राज्य सरकार दी परतियै बहाली योजना तैहत हथियार पाने आहले हर माओवादी गी 50 ज्हार रपें दी बतौर प्रोत्साहन रकम दिती जाग। एहदे कन्ने इस ब' रे अजें तगर जिले च कुल 410 माओवादी आत्मसमर्पण करी चुके दे न। एहदे अलारवा 421 माओवादिं गी गिरफ्तार कीता गेआ ऐ ते 137 बक्ख-बक्ख टाकरें च मारे गे न।

<><><><><><>

## UK Attack

भारत नै कल योम किप्पर सेवाएं दरान बरतानिया दे मैनचेस्टर च हीटन पार्क सिनोगागो पर आतंकी हमले दी निंदेआ कीती ऐ। इक बयान च विदेश मंत्रालय नै आखणेआ जे इस दुखै दी घड़ी च बरतानिया दे लोके कन्ने ओह् खड़ोते दा ऐ। मंत्रालय नै इस गल्लै पर बी दुख बुज्जेआ जे एह् वैशियाना हरकत इंटरनेशनल डे ऑफ नॉन वायलेंस दे मौके पर कीती गेई ऐ। एहदे च इस गल्लै पर जोर दिता गेआ जे एह् हमला आतंकवादिं दी भैड़ी ताकतें थमां दुनिया गी पेश औने आहली चुनौतिं दी इक होर गंभीर छाप ऐ जेदा मुकाबला वैश्विक समुदाय गी किठे होइयै ते तालमेल आहली कार्रवाई दे राएं करना होग।

<><><><><><>

## AP-Rescue

अरुणाचल प्रदेश च कल इक बस हादसे दे मगरा भारती सेना दे जोआनें 13 लोके गी बचाई लैता। रक्षा प्रवक्ता लेफ्टिनेंट कर्नल महेंद्र रावत होरें आखेआ जे गजराज कोर दे जोआनें तवांग जिले दे बैसाखी दे कोल तुरत जवाबी कार्रवाई कीती जित्थे इक बस जेदे च 13 सोआरियां सुआर हियां, इक घाटी च रूलकी गेई।

'सर्विस बिफोर सेल्फ' दी उच्च परम्पराएं दा प्रदर्शन करदे होई फौजिएं फौरन बचाऽ अभियान शुरू कीता जेदे कन्ने सब्बनें 13 मुसाफिरें गी सुरक्षित तौरा पर उत्थुआं कइडी लैता गेआ।

<><><><><><>

### IMD Weather

भारती मौसम विभाग नै अज्ज बिहार च भारी थमां मती भारी बरखा गी लेइयै रेड अलर्ट दी चेतावनी दिती ऐ। मौसम विभाग नै अज्ज छत्तीसगढ़, मध्य प्रदेश, पूर्वी उत्तर प्रदेश, झारखंड, ओडिशा ते पच्छिम बंगाल सने पूर्वोत्तर भारत च भारी थमां मती भारी बरखा बरने दी मेद दस्सी ऐ। उआं अज्ज पूर्वी उत्तर प्रदेश, अंदरूनी कर्नाटक, उप हिमालयन, पच्छिम बंगाल, तेलंगाना ते पूर्वी राजस्थान च बिजली चमकने ते तेज ब्ला चलने दे असार दस्से न।

<><><><><><>

### Channu World Championship

नार्वे च खेड्डी जा' रदी भार तुलकने आहली विश्व प्रतियोगिता च मीराबाई चानू नै महिलाएं दे 48 किलो भार वर्ग च चांदी दा तगमा जित्तेआ ऐ। चानू नै कुल 199 किलो भारत चुक्केआ जेदे च 84 किलो स्नैच ते 115 किलो क्लीन एण्ड जर्क च चुक्केआ। सुन्ने दा तगमा कोरिया दी रि सांगगुम नै जित्तेआ जिन्नै कुल 213 किलो भार चुक्केआ।

<><><><><><>

### Cricket

क्रिकेट च भारत अज्ज अहमदाबाद दे नरेंद्र मोदी स्टेडियम च दऊं मैचें दी सीरीज दे पैहले टेस्ट च वेस्ट इंडीज खलाफ 2 विकेटें पर 121 रन्जें दे स्कोर थमां अगगे खेड्ढना शुरू करोग।

<><><><><><>